



# Synfocity = 990

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

June 19, 2025

## ❑ **Presbyterian Hindi Bible School Graduation Day vawi 74-na**

June 13, 2025 (Zirtawpni) chawhnu dar 2:00 khan Presbyterian Hindi Bible School (PHBS) te chuan Armed Veng Kohhran Hall-ah Graduation Day vawi 74-na an hmang. Tun tumah hian zirlai 17 (mipa 13, hmeichhia 4)-in tha takin an zirchhuak a, zirlaite hi Mizoram leh Mission Field hrang hrang atanga rawn kal an ni.

Inkhawm hi Rev. R. Lalrinsanga, Principal-in a kaihruai a, inlawmna leh inhmelhriattirna a nei nghal a. Upa Lalthahluna Ralte, Coordinator, SMB-in Zirlai ti tha te hnenah Certificate a hlan a, Rev. R. Lalmingsanga, Secretary, SMB-in zirlaite fuihna thuchah a sawi. Rev. Lalfakzuala, BEC Member-in zirlai chhuakte tawngtaisakna hun a hmang a, zirlai aiawhin Rubilal Hembrom, Jharkhand-in thu a sawi bawk. He hunah hian NI. Jedidi Zothantluangi, Aizawl East Area Choir leh Synod Mission Choir te an zai a ni.

Presbyterian Hindi Bible School hi Synod Mission Board hnuai hnamdang ringtharte rinna kawnga tihnghehna tura a din a ni a. August 24, 1990 khan hawn a ni a, September 15, 1990-ah zirlai mi 20 nen class tan a ni. Hun kal zelah Synod chuan India ram hmun hrang hrangah Mission Field a hawng ta zel a; chuvangin, State hrang hrang leh ram pawn - Nepal leh Bhutan atangte pawhin zirlai an lo kal thin a ni. A din tan kum 1990 atanga thla thum course ni thin kha kum 1998 atangin thla ruk course-a tih sei a ni a, kum khatah batch hnih neih thin a ni.

Kum 1990 atanga June 2025 thlengin zirlai 1889 (mipa 1446, hmeichhia 443) ten tha takin an zir chhuak tawh a, zirlai titha Top 3 te hnenah lawmman cash award pek thin a ni bawk.

## ❑ **Lay Leaders' Training vawi 232-na**

Synod Multipurpose Training Centre (SMTC) buatsaih Lay Leaders' Training vawi 232-na chu June 16, 2025 (Thawhtanni) zan khan SMTC-ah hawnna inkhawm neih a ni.

Training hawnna inkhawm hi Rev. H. Lalmuanchhana, Director-in a kaihruai a, inlawmna leh report te ngaihthlak a nih hnuah Rev. H. Lalmuanchhana, Director-in training hawngin thuchah a sawi a, he hunah hian Pi Liandingpuii, Mission Vengthlang chu tum hnih a zai bawk.

Tun tum training-ah hian Presbytery pakua - Tuivawl, Aizawl Hmarchhak, Aizawl Central, Aizawl West I, Aizawl West II, Chhimphei, Tuipuiral, Bairabi leh Ramlai Presbytery atangin Upa 36 leh Maturam Synod (Myanmar) atangin Upa pakhat, an vaiin Upa 37 an tel a ni.

Kohhran Upate tana Lay Leaders' Training hi kum 1996 atang khan neih tan a ni a, training-ah hian Kohhran Upate tan Kohhran enkawl dan leh inrelbawlna lam atana pawimawh chi hrang hrang bakah Kohhran thlarau lam nun enkawl dan te zir thin a ni.

Training hi June 20, 2025 (Zirtawpni) zanah kharna hun hman a ni ang.

Synod Multipurpose Training Centre (SMTC) hi kum 1993 Synod-in din tura a rel angin January 12, 1996 khan din a ni a, a tira a hming chu Christian Multipurpose Training Centre tih niin kum 2001 Synod khan a hming hi Synod Multipurpose Training Centre tiin a thlak leh a ni. Synod Multipurpose Training Centre (SMTC) hnuai hian thalaite'n mahni kuta eizawna kawng an lo neih ve theihna tura training chi hrang hrang (Vocational Training) buatsaih thin a ni bawk a, tunah hian trade chi hrang panga - Tailoring, Computer, Mobile repairing, Beauty Culture leh Electrical te kalpui mek a ni a, zir chhuak tawh mi 1885 awmin tunah hian zirlai 103 an awm mek a ni.

## ❑ **PES hnuai HSLC 2025 Result tha lawmna**

June 18, 2025 (Nilaini) chawhnu dar 1:00 khan Presbyterian English School (PES) hnuai HSLC 2025 result tha lawmna J.M. Lloyd Hall, Synod Office-ah neih a ni.

Programme hi Pu K. Lallianzuala, Secretary, Synod Education Board-in a kaihruai a, Upa P.C. Vanlalhruaia, Supervisor of Schools-in inhmelhriattirna leh report a pe a. Synod Moderator Rev. R.C. Lalnghakliana'n thu sawiin mimal ti thate hnenah lawmman a sem a, Rev. Dr. Rosiamliana Tochwang, Executive Secretary i/c Education-in thu sawiin School ti thate hnenah lawmman a sem bawk. Upa Lalthanzama, Synod Education Board Member-in lawmthu a sawi a, Rev. Malsawmdawngliana, Synod Education Board Member-in malsawmnain hun a khar a, he hunah hian NI. Maria Lalmuanpuii tum hnih a zai bawk.

Zirlai ti thate chawimawina hunah hian Distinction-a pass mi 51-te hnenah lawmpuina ₹ 10,000/- theuh pek an ni a. PES zirlai zinga HSLC result-a Top 3 te tan Special Award siam a ni a, lawmman hian Cash Award leh Citation a keng tel a ni. Lawmman dawngtute chu :

1. Vanlalnunpuii, Mamit PES
2. Christy Lalnunhlui, Tlungvel PES  
Isak Zairemtluanga, Thingsulthliah PES
3. Lalhriatsanga, Zemabawk North PES  
Lallawmzuala, Zemabawk North PES  
Lalramdintluangi, Serchhip PES

PES atang hian HSLC 100% pass School 11 an awm a, chung zinga a tiṭha School pathum te hnenah lawmman - Computer Set, Citation leh Cash Award pek an ni a, chungte chu -

1. Khawzawl Vengthar PES
2. Zotlang PES
3. Serchhip PES

Heng bakah hian pass kim vek School pasarih hnenah ₹ 10,000/- theuh pek an ni bawk.

Tun dinhmunah Presbyterian English School zingah pawl 10 nei chin school 38 an awm mek a. HSLC exam zawng zawng hi zirlai 892 an ni a, chung zinga zirlai 805-in an pass a. Distinction-ah 57, First Division-ah 275, Second Division-ah 369, Third Division-ah 104, PES pass percentage hi 90.25 % a ni.

❑ **KTP**

MSACS leh Association for Voluntary Blood Donation (AVBD) ten World Blood Donor Day puala thisen pe tute chawimawina hun an buatsaihah CKTP aiawhin Rev. H. Lalawmpuia, Leader leh T. Upa Lalremsiama Khiangte, committee member te an tel. He hunah hian KTP ten thisen pek tam lamah Religious Category-ah Pakhatna leh Overall Category-ah Pahnihna an dawng a ni.

❑ **Trust**

June 13, 2025 (Zirtawpni) khan Bungtlang Pastor Quarters sak thar tur enfelin Pu Lalramenga Royte, JE a kal.

❑ **SL&PB**

- ◆ June 17-19, 2025 chhung hian Zobawk Bialah Literature Seminar neihpuiin Rev. PB Zosaphara, Editor leh Pu Eric Lalnunmawia, OA te an kal.
- ◆ June 20, 2025 (Zirtawpni) hian Literature Seminar nei turin Campaigner-te hetiang hian an chhuak ang:  
Tuikual North Kohhran : Rev. PB Zosaphara, Editor leh Upa K. Lalthawmmawia  
Tuikual South Kohhran : Pi Rinsailovi, Jt. Editor leh Pu Zohmangaiha, Asst. Editor
- ◆ June 21-22, 2025 chhungin Literature Seminar leh Campaign nei turin Chhingchhip Mualpui Kohhranah Rev. PB Zosaphara, Editor leh Pu Lalremmawia, OA te an kal ang.

❑ **Worship**

June 18-19, 2025 chhung hian Champhai leh Ruantlang Bialah Zai hruai Training neihpuiin Pu H. Lalrinmawia, Senior Music Instructor leh Pu T. Laldintluanga, Trainer te an kal.

❑ **Social Front**

Synod Social Front chuan June 18, 2025 (Nilaini) khan Synod Social Front hnuai Campaigner-te ko khawmin, Briefing & discussion hun an hmang a, Rev. Dr. K. Lallawmzuala, Executive Secretary i/c Social Front-in hun a hmang a, hemi hunah hian campaigner mi 53 an kal.

Tun dinhmunah Synod Social Front hnuai hian campaigner 64 an awm mek a, an ni hian thupui chi hrang hrang - Political Education, Ei leh Bar, Kut hnathawh, Intodelh, Moral Reforms, Social Media, Zuk leh hmuam, Corruption, Ramngaw, Nungcha leh Tuihna humhalh leh pianpun chungchang hmangin Kohhran leh Bial hrang hrangah campaign an nei thin a ni.

❑ **MSSU**

June 21, 2025 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

- Ramrikawn Kohhran : Upa Dr. Lalhmachhuana, Upa R. Vanlalhruaia leh Upa C. Lalbiaksanga  
Zonuam Bial : Upa Lalthanchhunga, Upa Isak Zartzoliana Chhangte leh Upa Lalsiammawia Pachuau  
Zohmun Bial : Upa K. Vanlalnghaka leh Upa H. Lalnghinglova

□ **Synod Mission Board**

◆ **Nepal Mission Field**

June 14, 2025 (Inrinni) khan belhtu thar panga an awm.

◆ **Karbi Anglong Mission Field**

June 15, 2025 (Pathianni) khan belhtu thar pathum an awm, ni 18 (Nilaini) khan belhtu thar pasarih an awm bawk.

◆ **Jharkhand Mission Field**

June 15, 2025 (Pathianni) khan belhtu thar 16 an awm.

◆ **Assam Mission Field**

June 15, 2025 (Pathianni) khan belhtu thar pathum an awm.

◆ **Calcutta Mission Field**

June 15, 2025 (Pathianni) khan belhtu thar paruk an awm, ni 18 (Nilaini) khan belhtu thar pakhat a awm bawk.

◆ **Arunchal & Assam Mission Field (West)**

June 15, 2025 (Pathianni) khan belhtu thar pakhat a awm.

◆ **Arunchal & Assam Mission Field (North)**

June 15, 2025 (Pathianni) khan belhtu thar pathum an awm a, kohhran pawl dang aṭangin kan kohhranah mi pathum an rawn inpe bawk.

◆ **Arunchal & Assam Mission Field (East)**

June 15, 2025 (Pathianni) khan belhtu thar pahnih an awm.

◆ **Home Mission North**

June 15, 2025 (Pathianni) khan belhtu thar pasarih an awm.

◆ **January - May, 2025 chhunga Mission Field hrang hranga belhtu thar neih dan hetiang hi a ni:**

S.No	Field	Total	S.No	Field	Total
1.	Arunachal & Assam Mission (East)	23	11.	Karbi Anglong	76
2.	Arunachal & Assam Mission (North)	22	12.	Calcutta	337
3.	Arunachal & Assam Mission (West)	41	13.	Lucknow	5
4.	Assam	33	14.	Nepal	80
5.	Barak Area	24	15.	Odisha	42
6.	Delhi	65	16.	Patna	121
7.	Home Mission North	21	17.	Siliguri	47
8.	Home Mission South	32	18.	Tripura	613
9.	Cachar Tlangram	28	19.	Masihi Sangati	1448
10.	Jharkhand	170	20.	Cambodia	5
				<b>TOTAL</b>	<b>3243</b>

□ **Synod Relief Fund**

Tun hnaia harsatna hrang hrang tawkte hnenah Synod Relief Fund aṭangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat	
1.	Barak Area	Tuilian tuar	77	₹ 5,51,000/-	
2.	Keiṭum Dinthar leh	Leimin tuar	5	₹ 64,000/-	
3.	Sialsuk leh Sailam	Damlo leh leimin tuar	6	₹ 52,000/-	
4.	Lungpho	Leimin tuar	3	₹ 43,000/-	
5.	Vaivakawn Vengthlang	In chhia	3	₹ 39,000/-	
6.	Electric Veng leh	Electric Vengthlang	Damlo leh leimin tuar	3	₹ 38,000/-
7.	Tualcheng Kohhran	Leimin dawlina		₹ 30,000/-	
8.	Kawlkulh	In chhia	1	₹ 18,000/-	
9.	Phullen Vengthar	Leimin tuar	1	₹ 15,000/-	
10.	North Lungleng	Khawsak harsa	1	₹ 10,000/-	
11.	Sihhmui	Damlo	1	₹ 10,000/-	
12.	Tlangpui	Damlo	1	₹ 10,000/-	
13.	West Phaileng	In kang	1	₹ 10,000/-	
			<b>Belh khawm</b>	<b>₹ 8,90,000/-</b>	

May thla chhunga harsatna hrang hrang tawkte hnena Synod Relief Fund aṭanga chhawmdawlina sem zat chu ₹ 6,37,000/- a ni.

☐ **FM Zoawi - Aizawl & Lunglei : Hruaina Eng Radio Programme**

**June 20, 2025 (Zirtawpni) @ 7:30 p.m. :**

**Solo** : Julie Remruatpuii - Kan van kawng a lo hawng ta  
**Zaipawl** : Electric Veng Bial Zaipawl - He khawvel hi  
**Thusawi** : Lalrintluangi - Dengue chungchang  
**Solo** : K. Vanlallawmi - Lalpa ta ka ni  
**Zaipawl** : Hlimen Bial Zaipawl - Damna Isua

☐ **Hruaina Eng TV Programme**

**19.6.2025 (Ningani)** 08:30 pm : Thupui zir bing  
**20.6.2025 (Zirtawpni)** 05:00 pm : Kristian Naupang Pual  
**21.6.2025 (Inrinni)** 05:30 pm : Puitling Sunday School Zirlai  
**22.6.2025 (Pathianni)** 08:00 am : Weekly round up  
**23.6.2025 (Thawhtanni)** 08:30 pm : Hruaina Eng luang chhuak - Rev. Biaksailova  
**24.6.2025 (Thawhlehi)** 06:00 pm : Nilaini zan thupui  
08:30 pm : Kohhran Chanchin - Chanmari West Kohhran

☐ **Moderator leh Executive Secretary-te Programme:**

**Rev. R.C. Lalnghakliana : Moderator**

June 19-23, 2025 Bangalore  
June 24, 2025 Finance Managing Committee leh Central KTP Committee  
June 29-30, 2025 North Vanlaiphai Bial

**Rev. V.L. Luaia Hranleh : Senior Executive Secretary**

June 21-22, 2025 Bible Society Auxilliary Inkhawmpui  
June 24, 2025 Finance Managing Committee  
June 29, 2025 Chanmari West Chhim Veng Kohhran

**Rev. Dr. K. Lallawmzuala : Executive Secretary**

June 20, 2025 Income Tax Buaipuitu Sub-committee  
June 22, 2025 Venghnuai Kohhran  
June 24, 2025 Finance Managing Committee

**Rev. Dr. Rosiamliana Tochwawng : Executive Secretary**

June 21, 2025 Vanzau Bial, Campus Ministry Programme  
June 21-22, 2025 Khawbung Bial KTP Meet  
June 24, 2025 Finance Managing Committee leh Central KTP Committee  
June 28, 2025 Zirlai Viltu Committee

**June 25-27, 2025 chhunga Synod Executive Committee (SEC)-ah Moderator leh Executive Secretary-te an thu ang.**

